

摘藻堂四庫全書薈要

集部

欽定四庫全書薈要卷二萬三百

集部

宋詩鈔卷四十七

內閣中書舍人吳之振編

孫覲鴻慶集鈔

覲字仲益嘗提舉鴻慶宮故自號鴻慶居士五歲時
即為東坡所器第政和間進士靖康倣擾為執法為
詞臣旋由瑣闥歷吏戶長貳連守大邦紹興而後遭
值口語斥居象郡久之歸隱太湖二十餘年孝宗朝

命編類蔡京王黼等事實上之史官年九十餘卒由其居閒久故問學深誠有宋之作家也獨以其誌万侯高之墓嘉靖間常州欲刻鴻慶集邑人徐問曰覲有罪名教其集不當行世遂止嗚呼斯言固秋霜也今不廢其詩者以見有詩如此而不得列於作者欲立言者知所自重耳

湖州天寧寺飲王生二首

莫鬪蝸兩角且共貉一丘夷踞坐我旁汝豈河南騶割

肉一噉之徐以大白浮噲伍君勿譙笑談起封侯
諸家迹便掃得此一老兵江東醉司馬酒中尚求名哀
哉南山箕不平自號鳴慎勿歌烏烏作此老婢聲

富陽道中二首

渺渺行雲幔溶溶曳水衣雷翻巢隋乳風落網粘飛獨
拄青藜杖來推白板扉平生丘壑趣漂泊寸心違

白帽炎州客青裙酒姥家微風搖扇浪細雨落簷花客
舍休占鵬蠻村欲饌蛇會令醒復醉高枕送生涯

蘭溪津亭病起

風波湧地千漚發，創痛鑽皮百箭攻。
藥裏關心防二豎，書盈篋忤三蟲。
剖瓜女隸方祈巧，結柳奴星也送窮。
笑我平生持螯手，未應咄咄左書空。

三衢聞都督兵潰常潤間懷舍弟而作

紫荆有信欲開花，黃犬無情不到家。
偶坐厭聞烏鵲嘯，杯行喜聽鵲查查。
同看明月人千里，相望孤雲海一涯。
驥子熊兒無恙否，風雲慘澹鬪龍蛇。

疎山寺次白文林韻二首

藜杖忽忽集晚林
長廊破壁撼鐘音
天涯流落相逢地
杯酒殷勤莫厭深
萬里功名飛燕領
千金博飲鬻牛心
更聞好句驚人倒
一洗蠻烟瘴露侵

黃花翠竹小叢林
卧聽南山白石音
螳鬪已空遺垤在
蝸踰終戀故廬深
掀髯一笑追前謬
禮足同參看此心
且向疎山結香火
人生莫受二毛侵

明水寺五代末危全諷據臨川時所建畫像至今

存焉寺旁最高峯有祠屋一區道士居之

臺殿何年有千巖紫翠間金僊佛世界羽客道家山骨
朽餘三窟皮存尚一斑傷心千古淚相伴雨潺潺

崇仁縣

萬山攢擁天一笠北風吹雨兩鬢濕饑烏絕叫護巢飛
老蛟怒起拏雲立孤城短日砧杵急騎驢渺渺衝泥入
桑枝倒折機杼空道傍廢井無人汲遺民到今傳舊邑
擊水華鯨浪三級故物漂流首戰餘客子起坐萬感集

小驛香醪如雪汁一杯快作長虹吸酒醒寂歷照短檠
幽咽數聲鄰婦泣

縣人喜競渡
亂後如故

遣興

亂後煎百慮老去無一欣故人尺書至好語中夜聞坐
久百蟲絕開簾月紛紛長歌侑一醉酒醒擊空尊

山行憇田舍老父出迎以黃甘白酒為餉

藜杖扶來雪滿簪諄諄語好意深深酒傾白甕杯行玉
橘破黃苞坐飮金醉起莫辭田父肘甘餘須識野人心

匆匆不盡扳留意挽袖丁寧更一臨

兩日復往次前韻

寒蔬離離銀線亂

臨川出蔬號銀條

凍醴醃醃玉井深坐蔭庭

松翹翠蓋行穿野菊布黃金天迎客入喜見尾鵲隨人語欣會心俗裏淹留怕轡銓驅兒招喚得重臨

明水達老以黃甘荔子土芋為餉小詩答謝

客居莽牢落幽絕無四鄰歲窮有衣結日晏猶甑塵偈仄戎馬間敢厭薪水勤故人情義重采采青泥芹小摘持

寄遠分餘為情親丹荔擘輕圓黃甘破芳辛蹲鴟勸加
餐風味亦可人渺渺山澗曲浩浩水雲晨踞爐有前諾
兩翁對然新眼纈眩紅綠共此無邊春

次韻王子欽立春

歲晚驚呼身已老天涯流落首空回便將酒力推愁去
且放春光入眼來人語嘻嘻爭鬪草宮花閃閃豔粧梅
雪消水暖春江動綠漲蒲萄萬斛醅

遊東塔雨中夜歸

山色凌寒春尚瘦
潭影涵空清可漱
漠漠雲行紫翠間
斑斑雨濕黃昏後
火炬穿林鳥出巢
人語闌門狗窺竇
杖藜有興會重來
更待黃鸝弄晴晝

清明日與范季實諸人過胥澤民別墅小集

水滿雙飛白鷺花
深百轉黃鸝寒食
清明過了一川煙
草離離

兀兀三杯卯困昏
昏一枕春融酒醒
落花風裏夢回啼
鳥聲中

曹山絕句

毀瓦區區為食謀
半生炊黍在刀頭
一廬會入扶犁手
不上陳登百尺樓

題妙覺寺壁

葉底紅稀不見花
枝頭綠暗可藏鴉
春歸古殿蒼苔滿
一點籠燈隱絳紗

再至

老眼逢春病有花
淋浪醉墨字如鴉
懸知不是唐王播

慙愧高僧護碧紗

宿妙覺竹菴贈靜老

青山暎落日澹澹煙中明出門無所投曳杖隨意行破
衲僧兩三喜笑爭邀迎曾巢俯修行飛星動高覺老人
如宿昔真契同三生過人無戚疎出語惡不情寥寥風
馬牛肝膽欲盡傾怪我胸中山碑瓦尚不平邯鄲樂無
度短夢一餉榮蠅觸怒不休暴骨千里橫微言起我病
內愧面汗騂蚤知天宇大豈有世網嬰舉扇障西風浣

此滄浪纓

別如老

同舟無胡越四海皆弟兄吾人雖晚接一笑蓋已傾世
亂識真態塗窮見真情曳杖扣禪扃撞鐘聽鞀鳴小窻
風雨夜對此二榻橫吾身如木偶春至不復榮豈無三
宿戀天雨方流行去去得首丘歸田克踐更

徙寓妙覺佛舍胥人民襍被相過賦夜坐

客居厭窮獨蓬艾翳環堵莊舄尚越吟鍾儀猶楚語吾

人有奇操空洞見城府相逢逆旅中霧豹初一睹拘囚
賦囚山避謗憎市虎褰裳肯過我崖嶠走風雨微吟對
清夜破此五月暑墜露浥金莖空花墮屏塵孤燈映籠
紗冷豔翳復吐耿耿遂不眠逢逢聽晨鼓

次韻王子欽

二年客塵土獨夜憂悄悄遇酒一破顏歌呼醉連曉寸
心為誰明伴此孤月皎枯枿鬱崢嶸老幹空自表蟻穿
萬孔萃蛛挂千絲擾白鴿逝不來豈敢更擇鳥

熊夫人遣介欲壻澤民小詩戲之

墻頭鄰女三年望戶外文君一笑窺
欲得賢夫嫁張耳此真佳壻是義之
定知不折飛梭齒似說先齊舉案眉
不信侯門深似海水流紅葉謾題詩

靜老通幽軒

諸峯倚崔嵬衆壑隱犇峭寓目欣有擊
會心領其要開廬結茆竹代翳斬蓬藿
此君亦可人玉立盡娟妙風酣翠相倚
月吐清自照窈眇非世音鸞鵲中夜嘯
煙塵閤

北關烽火被南徼便欲老三閭終焉隱屠釣

秋夜二首

山寒藹暝姿楓老帶漲痕蘭摧桂亦折往往歸其根萬
籟各收聲一氣中自存鼻斤無可斲尻駕不復犇孤光
照獨夜月落低金盆

寥寥天吠村微月耿黃昏雞豚市井空虎豹窟宅尊元
龍百尺樓獨帥誰與論酒聖且復中愁魔自驚犇彈缺
歸去來稚子候柴門

自崇仁趨新淦凡四夕廼至一寓道觀三止僧舍
皆留一夕而去賦小詩記之

妓原寺

稚子鴈門立老僧迎客入湛湛玉甃寒唧唧銅餅泣小
軒風雨過窓戶青紅濕晚花發秋妍黃蜂正衙集

化度寺

失路迷千嶂投休借一枝扣門竹西寺立馬日斜時矍
鑠僧窺戶睢盱犬透籬定知嫌不速明日與君辭

栖霞觀觀在麻嶺之下

雲表朝飛屐松殘晚駐鞍
破扉聯白板稿項繫黃冠
徑雨喧風攆汀沙立露翰
小窓床坐好對此百憂寬

三山寺二首

斜日半窓明無人獨掩扃
風鈴時自語雪柏老終青
立鵲參差見微泉斷續聽
老僧渾不語危坐卷殘經
異縣久為客窮途飽所更
對床雲伴宿曳杖月同行
到處身如寄看山眼覺明
平生飲中趣酒賤且頻傾

再和何襲明

沙平雪漫水涵空
路入千巖紫翠中
村遠微明漁舍火
樓高斜矗酒旗風
可憐方外狂司馬
來伴田中一秃翁
南北相望三十載
心期不改斷金同

何嘉會寺丞嫁遣侍兒襲明有詩次韻

魯陽之戈倚半空
誰能一卻日再中
驚回十二巫山雨

水隔三千弱水風
瘦語尚傳黃絹婦

嘉會侍兒以妙為名

多情好

在紫髯翁謫仙尚有杯中月
獨舞娑娑醉影同

迎薰堂小集襲明用前韻再和

飲痛瓊艘百柁空參橫斗挂月當中不愁馬上衣沾露
且看樽前幘隨風未辦清歌娛醉客莫將強韻壓衰翁
悲飲冷淡君應笑注瓦傾銀一體同

長樂寺

嘉會常置酒
錢歌姬於此

萬瓦冠松壁千嶂鎖雲莊故人置酒地清夜燈燭張破
壁挂月闕遺笙嘯風廊妖歌傾四座醉卧錦瑟傷寂寂
花絮亂忽忽鷺燕忙雍門已陳迹餘音空繞梁我來久

徘徊驚呼首一昂老僧獨依然坐對柏子香

志新遣兩介致書餽以巴源紙黃甘珠欖大栗鵝
鮮胎蝦為餉戲作長句

巴江新擣萬穀皮褚生粉面膚凝脂故人千里特寄我
落筆宛宛天投霓絳囊丹果十襲包爆栗飛燼石火敲
紅鹽著樹落青子香霧啖手披黃苞蒼鶩無罪見菹醢
苦酒濯之光五采蝦蚶久已成枯腊只尺波濤渺江海
客舍爭席紛滿前饋美不復五漿先殷勤重餉有吾子

兩夫荷檐頽其肩

蜀婦新寡從何純中讀左氏戲呈純中

麟經束高閣掩卷有三嘆朱絃久零落鸞膠續其斷英
英左阿君獨唱音節緩故是我輩人吹簫得幽伴先生
擁絳紗弟子褰素幔一揮斲鼻斤便舉齊眉案

宜黃尉李集義遣書問安否小詩為謝

三年著南冠兩見芳歲新朝為蟲蛇侶暮與魑魅鄰行
隨木上坐卧對竹夫人獨有金石交不廢風雨晨書來

一弔屈我已屢厄陳嘖嘖爨下桐嗷嗷轍中鱗絙以朱
絲繩放之碧海津窮途得重惠肝膽大輪囷

題硤江蕭氏菴二首

雪屋清如洗雲崖翠作堆破扉風自掩敗壁雨先頽野
色初還柳林香尚有梅滄江千萬頃一鳥鏡中回
雲遂歸心亂山隨望眼賒疎林歌晚照淺溜咽春沙客
路三年過僧窓一笑詳此生安稅駕有地即為家

宿善法寺再賦二首

水繞禪窓淨香凝古殿深讀書不求解酌古聊自斟塔
鈴已無語匣琴猶有心獨謠西閣夜風滿快哉襟

愛竹門可款命車壑初尋鳥啼春院靜人語夜堂深鼠

迹留僧鉢蝸涎浣佛金鄰翁笑相命春酌夜沉沉

田雲
朔從

政置
酒

再過天長寺

山立起平案松偃卧枕岡尚憐桃靨小已見麥頭昂檢
事關兵氣逃禪入醉鄉平生湖海興一棹付慈航

分宜道中

老牯挽犁泥沒膝
剡剡青秧鍼水出
大麥登場小麥黃
桑柘葉大蠶滿筐
猿鳥初呼聚
儔侶繅絲百箔聞好語
此時物色不可孤
勸君沽酒提壺盧

礧巖寺

千松夾道直一水抱村流
清絕小叢林繞舍竹修修
老僧慣見客壞衲雪滿頭
野果拆奇苞畦蔬翦新柔
漂零五管去邂逅一笑留
詩成寫君壁記此夢中遊

靈泉寺

窻戶遙開紫翠間，小橋獨立聽潺潺。
意諧獨有清風共，興盡聊隨落照還。
但見虛童蒙白恰，且無瀧吏發騁顏。
風花雨葉元無定，何必區區戀故山。

嶺外虛市市人大
率以白恰蒙首

七星巖

十載汙修門，簪橐侍帝垣。
五雲深莫窺衆星拱，以繁一
坐牘背書身落海上村。
山川發餘想，鐘鼓眩昔聞。
星圖煥斗極，兩兩錯地文。
今日復何日，乘槎造天閭。
日月起

可挾參井立能捫誰當揭其柄為我酌瀛尊

龍隱巖

跳波觸石喧古木抱崖擁老蛟厭泥蟠一笑作潭洞孤
峰起嶢嶢哀壑浩呼洶腥風噤蛙淫凍雨落毛氈凜凜
白晝寒瘴髮立盡聳旱氣曛日黃縮爪但陰拱悠然四
大海斂此一毛孔安得化為霖蕙葉有光寵

時荷雨
木應

西山超然亭

厖區翳榛莽地瘴藏百怪西山何軒軒拔脚風塵外中

縈一線蟠側立兩壁對旁連九疑高遠控三湘大孤亭
坐林杪俯見飛鳥背號方泣二女禦魃竄四罪誰去窘
囚拘故自脫天械飄飄思凌雲萬里風雨會

飲脩仁茶

煙雲吐長崖風雨暗古縣竹輿賴兩肩弛擔息微倦茗
飲初一嘗老父有芹獻幽姿絕媚嫵著齒得瞑眩昏昏
嗜睡翁喚起風洒面亦有不平心盡從毛孔散

事見廬
全茶詩

九日次獻花鋪

李衛公貶海外道過
象江蠻女獻花於此

古路三叉口青裾兩髻了更無陶令菊空想衛公花破
屋堆黃葉清江綠白沙殷勤邀一醉蜚酒壓梨楂

到象州寓行衙太守陳容德攜酒見過

釘坐黃柑喫手香堆盤丹荔照人光莫辭蜚酒一尊赤
會壓瘴茅千里黃未省讒言遭薏苡直將空腹傲檳榔
酒醒夢覺知何處樹影參差月滿廊

南山寺

千丈雲根蔭此邦沉沉寒影卧秋江潭空映日蒼虬動

煙暖翹沙白鷺雙夢覺灘聲喧客枕吟餘竹色滿僧窓
詩成絕叫曾樓上聽我洪鐘萬石撞

安心是藥本非禪遇勝欣隨意所便嚼蕊拈花身老矣
穿雲涉水思茫然行逢酒伴操觚去倦憇僧窓借榻眠
寄語排言問津者人中今是地行仙

別象州陳守容德

三年客殊方榮悴不堪說迢迢家萬里奄奄命一髮使
君古丈夫興哀在縲紲平生風馬牛舊職比鷄鵬欣然

一笑粲破此百憂結皇恩下天扉淚泣孤臣血行厨洗
玉盤載酒助歡悅庖珍問五鯖餅字炊十裂徙突今未
黔班草尺一訣何須更秉燭端是夢中別

雉山寺青羅閣

蠻村避諱三年過野寺尋僧半日閒小檻吹香花漠漠
斷崖漱碧水潺潺枕榔葉底秋聲滿柏子煙中午夢還
便擬買舟隨釣叟一蓑煙雨繫滄灣

蒙亭二首

小築三間足雄包萬象并遙波通極浦落日抱孤城小
語千巖應長歌百蟄驚坐看衣屨上漠漠晚雲生
落拓詩酒伴踈慵粥飯僧盪胸開遠抱拄頰見高稜烏
倦猶聞語蛟寒正可曾一區如可卜吾不愧陳登

發桂林劉帥立道同諸司出餞於甘棠渡口二首
行盡海北天笑指湘南路使君載酒醪擁節東城駐前
驅千纛直縱獵萬人呼塵流翳白日十里映黃霧何人
攖迎我一葦橫江渡渺渺倦鴉翻相隨歸薄暮

洶洶號萬竅颶風吹海渾冥冥蔽一天瘴雲埋日昏南
荒底日所黃葦三家村誰云花解笑但有鳥能言繆思
解南冠歸路首北轅酒行可以起稚子候柴門

北歸過永永守趙君宰置酒萬石亭

三湘陌上逐臣歸萬石亭中送客時拄杖披榛行莽蒼
汲泉磨蘚看魁竒天傾五色遺媧補谷變千年出峴碑
何似蹊邊小桃李向人膏面出風姿

宜春臺呈太守陳次明

聞說宜春好曾臺試一登
隴泉瑟瑟松雪見層層
孤絕烟中寺微茫樹下僧
詩工傳寫妙不數畫師能

再過曹山示如老

不羨鵬南運聊隨雁北還
捫天上何嶺犯雪過曹山
偶列萬里去重來一夢間
觀河見如舊雙鬢自攔斑

曹山在何

嶺之下

送智海上人二首

大師興趣在江湖拄杖扶行穩
當車苦要詩翁淡生活

穿雲涉水到西徐

折鼎支磚日半欹
拾薪乞米為朝饑
昏昏一點炊煙裏
見我邯鄲夢覺時

馬跡上冢遇大風雨書僧壁二首

松竹騷騷繞舍鳴
沙頭一夜雨連明
衝泥裹飯澆新冢
野哭干霄共一聲

白恰排肩上冢歸
饑烏攫肉紙錢飛
東家已改清明火
一點炊煙上翠微

讀沈德潤詩卷

時沈寓
金沙寺

繫馬門前柳投鞭息吾駕青林合扶疎木杪抗風榭沈
郎天骨清衆堙立嵩華閉閣卧讀書一榻過僧夏尤工
五字律句法窺鮑謝無窮真炙輠有味乃食蔗我老復
何為齒髮日夜化黃綠葦間見拊髀起一吃懸知擲地
響自欲補天罅坐令長安紙頓起千金價

望道場山塔

碧玉旋螺挿暮烟遙看桂子落僧前試尋白水田頭路

一葦橫江浪接天

蕭寺知名四十年身投籠檻到無緣
行人指點松間路正在孤雲落照邊

橫山堂

波間指點見青紅雪春憎稜倚半空
幻出生絹三萬幅游人渾在畫圖中

蒼雲十畝陰平寬露葉風枝繞舍寒
莫遣先生賦歸去且令小吏報平安

題谷隱

碧瘦幾千疊清深漲一篙紅輕花似肉綠細柳如綵句
好無強對神超有獨遨葦間青蒨笠髻髯見秦逃

送徑山僧

桑棗翳一丘風雨鳴四壁晨門響丁丁一笑喜折屐矐
仙詩作瘦句有徑山色哀彈發朱弦妙寄追白石虛名
子過聽愧卧不能夕歸袖挽莫留凌空看飛錫

華亭朱師實中大燕超堂

海島納萬艘市區沸百賈黃塵翳白日千騎騰一鼓蛟
巢十字路四顧盡曠土蝸角兩大國一怒有漂杵角名
眩多盧聚訟攻衆楚昏氣自成霧濯濯汗浹雨朱公誤
涉世吏隱寄圭組俗緣墮人境心大接天宇
芳採蓮舟擷秀莢藥圃山寒石稜紫樹老松鬣古風牽碧羅卷
雨壓翠纛舞寧須烏催酤自有花解語觀魚樂洋洋夢
蝶飛栩栩生令游俠窟化作仙佛土高卧水國秋靜憇
月庭午不假壺公龍天上有官府

洞庭善慶堂置酒小詩寄之

幽絕小蓬壺參差見畫圖
亂青山四出一碧水平鋪
洲葉紅相照沙葦細欲無
蓮房駢百子橘圃聚千奴
布穀休催種提壺且勸酤
楚腰飛燕燕秦正和烏烏
便旋驚回雪連娟引貫珠
西風催畫鷁落日詠驪駒
浩蕩川原隔驚呼歲月徂
寥寥清夜夢直擬控搏扶

興化朱公大卿沒於庚申歲既除喪矣其子彥實過余於晉陵留十日而別賦小詩以餞之

柴扉忽枉故人車
躡履歡迎一笑初
夢裏覆蕉疑有鹿
食前彈缺嘆無魚
忽忽注瓦澆村釀
草草供盤折野蔬
他日死生君一訪
上林鴻雁有書無

多寶院

穿雲訪幽伴倚杖蒼崖根
冥冥篁竹中古寺松為門
野僧營一飽乞食山下村
擁鼻且獨謠未覺釣石溫
世事風雨過歲陰波浪犇
飄然得遠遊寄此五石尊

甘陂莊院

張公卧江海戢羽如鵬蹲平生廊廟具投老三家村一
壑身所寄萬里心自存買花紅間生種竹青滿門似聞
橘生奴漸見桐有孫提壺時見招一笑空壘尊

寄題莫謙仲山居

魚鹽市井區冠蓋車馬路生息自相吹晨門黜如霧超
然塵外躅崕兀見砥柱湯湯海橫流自有安立處幻泡
水上漚空華草頭露一峰獨蒼然歲寒但如故醉寒庭
下花吟繞池邊樹便有山中臞來隨白雲屨

過慧山方丈皞老酌泉試茶賦詩遺之

蕭蕭呵蘭若桑苧有故家佛屋倚高寒僧蹊抱欹斜殷
勤泉上客流落瘴海涯蜚酒壓梨楨蠻烹啗龜蛇光潔
鏡一奩照影空自嗟老僧薦茗粥芳鮮疑露華驅除鼻
中雷掃盡眼界花飄飄思凌雲攝身上蒼霞

過楓橋寺示遷老三首

白首重來一夢中青山不改舊時容烏啼月落橋邊寺
欹枕猶聞半夜鐘

三年瘴海卧炎霄夢隔青楓一水遙
萬里歸來悲故物銅駝埋沒草齊腰

翠木蒼藤一兩家門依古柳抱谿斜
古城流水參差是不見玄都舊日花

吳門道中

數間茅屋水邊村楊柳依依綠映門
渡口喚船人獨立一蓑烟雨濕黃昏

一點炊烟竹裏村人家深閉雨中門
數聲好鳥不知處

千丈藤蘿古木昏

菴畫谿行四首

老牯浮鼻水中歸，綵雉應媒桑下飛。
蘿萼冥冥山四起，數家雞犬烟樹裏。
一支新渌漲晴溝，楊柳中間繫小舟。
菴畫谿頭烏鳥樂，呼風喚雨不能休。

蝶趁花飛爭入坐，倚空百尺游絲墮。
亂山銜日半船明，斷雲載雨前村過。
蕨芽戴土小兒拳，漁市人歸柳貫鮮。
菴畫谿頭人語好，烹魚煮蕨餉春田。

沙頭綠暗已藏鴉
竹裏猶殘一兩花
燭廬抱柳開新國
燕語窺簾憶舊家
春風有信自年年
罨畫谿邊柳繫船
陶情滿滿酒如泉
醉與長鉶藉草眠

翠木蒼藤綠白沙
槿籬茅店野人家
了無狡兔營三窟
只有黃蜂趁兩衙
樹頭獵獵酒旗風
罨畫谿邊賣酒翁
銀鉶快瀉清若空
令君一笑面生紅

龜潭二首

稚竹緣崖瘦蒼藤
翳樹昏野花渾少
態谷鳥自忘言獨

曳烟中策來傾月下尊樂哉無與共幽興在桑門
蝸舍三間小龜泉一勺甘楞嚴渾不看彌勒久同龕潭
影千峰倒雲稍萬木參巖花自無主紅雨落氍毹

題董令升待制明谿

先生谿上宅華榜有殊稱已為山作主更與谿為朋
高甍俯流水坐見南山稜濯髮雲破碎漣衣雪崩騰
老磬駕月來潏潏一鏡升舉擢擊空明玉壺響春冰
夜久羣動息一嘯清風興手持脩月斧自控赤鯉乘

李茂嘉寄茶

蠻珍分到謫仙家
斷壁殘璋裹絳紗
擬把金釵候湯服
不將白玉伴脂麻

春事

茆棟依林出松扉
傍水斜浮蒼園百疊
亂綠翳三义屋
破蝸書壁庭蕪鶴印沙
小桃供一笑已著兩三花

黃鸝遺好音
碧草縈別恨
雨擢翠千尋
風斂紅一寸
持醪散百憂
琢句破孤悶
呼童數擊鮮
無久諸郎潤

游金沙寺寺有陸希聲侍郎讀書堂在頤山上

一龕明滅佛前燈破衲猶殘一兩僧說似鴻盤讀書處
試尋幽伴挂烏藤

綠笋遺苞半出籬清谿一曲翠相迷古苔稱意壞牆滿
好鳥盡情深樹啼

歲暮郊行

殘雪溶溶水波凍山空翠濕衣巾重東家西家酒初熟
南枝北枝春欲動班坐偶隨鷗鷺集意行適與牛羊共

直將萬事付狙公莫浪歡喜踏破甕

曜菴浮天閣

黃蘆吹雪滿汀洲萬里烟波接素秋
數點征帆天上落一輪斜日水中流
長橋踏月隨幽伴小閣浮天賦遠遊
便買一舟為泛宅此生何必老菟裘

向伯恭侍郎致政薌林築一堂名之曰企疎晉陵
孫某聞而賦詩

銅臭應作么夢屍當得官喁喁魚聚沫戢戢蚋集酸高

人有遠抱一笑視鼠肝水將洗耳用山作拄頰看種芳
茹秋菊寒秀紉春蘭披披芰荷衣采采苜蓿盤三徑偏
真境一瓢非世歡富貴挽不來為我歌考槃

且學方回癡莫羨董公健誰合軀七尺浪作青紫槿更
搖乞憐尾仍出弔喪面薌林有老僊蚤具佛眼見國恩
儻粗酬已責遂焚券驅除竹馬棄狼籍芻狗踐寥寥漢
二傳千歲一關鍵竟日飲無何更補離騷傳

湖汭上冢繫舟丁山田舍小憩

清谿三百曲一片春風綠茆屋有人家窈窕閔深竹老
去耽田里寓目快新矚風漪卷翠綃雲巖鏤蒼玉尋盟
喚白鷗解佩贖黃犢獨嘯無一人傳聲滿空谷

妙光菴

孤烟抱水村落日滿雲樹亂山如連環楊柳是門處青
繚竹谿灣翠點苔石路鍾魚寂無聲白日掩僧戶茗盃
酌雲腴香篆擢烟縷坐穩不知夕烟烟山月吐

吳漢逸家荆谿蓄古書奇器甚富余欲造觀而未

果賦小詩先之

高人卧江海烟雨三家村白眼憎俗徒青山自當門披
圖望千載耿耿尚自存金鑄驤蹕蹄漆書科斗文虬螭
盤六印犧象刻四尊劒包虎皮斑琴漫蛇腹紋猶吐星
芒寒尚帶雷斧痕我亦望古者昂昂真戴盆儻未倚門
揮應許置榻論從公問奇字載酒過子雲

寄題四明吳鰓拙軒

分寸躋攀曳九牛一錐無地拙於鳩穿鍼結縷非吾事

不上天孫乞巧樓

老罷誰當問喘牛羈栖且作寄巢鳩
葢茆一把藏吾拙便是元龍百尺樓

雨

山空發清響樓迥落餘飛掩丹花頭重渾酣水面肥
喧飀沉地鏡飄灑淨垣衣數點蒼茫裏飢烏接翅歸

小園春事

屋頭喚雨泥滑滑萬瓦紛披土囊發
西園春事一時休

繁紅漫亂胭脂雪綠蘿高張翠羽蓋蒼巖中斷青玉玦
不見枝上一點紅千頃桑麻光似潑

小園花柳春爭發風雨顛狂二三月斷梗梢空轉若蓬
細紅糝逕繁如纈久看繞屋溜潺潺可厭觸塗泥活活
不妨暫柅故人車大似陳公井中轄

吳門道中

小橋分路各西東寂寂松窓半掩蓬客夢悠揚殘酒裏
一池荷葉雨聲中

連雪苦寒

霜氣森森背有芒
風稜撼撼面疑鎗
破衾且作龜頭縮
短裾愁牽鶴脰長

焦山吸江亭

昔年攜客寄僧龕
敗屋疏籬一草菴
白首重來看修竹

連山樓觀亦耽耽

東坡詩云金山樓觀何耽耽
鼓聞淮南焦山何有有修竹
採薪汲

水僧
雨三

萬頃蒼茫一島孤
潭潭雲海現毗盧
問君汲盡西江水

中有曹谿一滴無

雨中泊蜀山見漁人自山半負樵入舟鼓棹而去
一嶂橫青靄千漚起碧潯行穿山半腹坐占水中心
雨松蹊滑衝烟蓼嶼深時來有登涉應不繫升沉

讀類說二首

亡是談烏有彭郎得小姑誰言鳩作婦謾道雁為奴
絡緯那能織提壺豈解酤龜茲堪一笑非馬亦非驢

額痒會出耳足間仍有鼈石頑飛作燕楮老孕生雞楓

癭那因怒松肪豈是肥君看轉丸手亦復化神奇

能仁寺悟上人來楓橋訪余索詩賦兩絕句

撚斷吟鬚皺兩眉鏤冰琢雪等兒嬉解啼孤月如雞口

堪笑窮郊作許悲

韓吏部詩云有窮者孟郊郊間雞詩云似聞孤月口能說落星心

老去都將筆硯焚相逢相問只寒溫更無一語堪酬對
已入維摩不二門

龜潭

擺落攀緣斷驅除磊塊平庭松敵老健潭水伴孤清待

月出時看尋雲起處行相隨木上坐徙倚到參橫

舟過湖汊泊丁山

雞犬三家市蓬蒿一畝宮
羅牽羅幕翠籜隕砌堆紅宿
鳥來還去微泉咽復通
幽尋殊未已落日滿疎桐
日下殘紅斂煙升積翠重
鷗輕沒浩蕩魚樂自從容
野饁迎秋獲鄰謳相夜春
田翁有真意一笑酒中逢

協趣亭

一丘破天巧萬壑迴春姿
使君載酒地不著鼓吹隨脩

然一幅巾自與幽人期水淺欲平杯風細不滿旗踈踈
殘雨裏獨理釣魚絲

江上懷思永

沙老猶生鬢江寒已伏槽長煙分聚落短日下亭皋木
脫曾巢見潮生小艇高幽懷誰與悟不見酒中豪

梅二首

北風翦水玉花飛翠袖凌寒不自持脉脉含情無一語
水邊籬落立多時

纖纖蘿蔓牽茅屋細細苔花點石缸
夢斷酒醒山月吐一枝疎影卧東窓

龜潭道中

沙淨溪行好煙消野望新
數峰山戴雪一曲塢藏春
魚逐波間伴禽藏葉底身
柳邊春信動眉目已津津

牛山道中

松雲翠蘿披竹日光破碎青熒麥風過
紅濕花露墜萍開龜曳尾樹啄鳥擘啄
物物如賦予欣然與心會

晝畫連雨溪漲又餘雨霖水落喜而賦詩二首

編棧沿村徑囊沙壅市門蒼鱗封老幹黃耳上陳根屋
破容身窄天低望眼昏谿邊高樹杪猶有繫舟痕
月挂樓鐘曉風生島樹秋林疎山獻狀池漫水分流鵲
喜時窺牖鷗馴亦並舟一聲何處笛莫遣碧雲留

沈公序餘閒亭二首

貌古須眉兄情高耳目遺應諧聊玩世避謫莫吟詩事
不關心處身非抱病時脩然無一事痛飲是吾師

隱几欲忘吾趨營老吏疎判閒聊命酒引睡謾翻書祇
有貧堪逐都無憤可攄樂哉聊卒歲應信我知魚

虎丘沼老豫章詩僧也與余相遇於楓橋方丈誦
所作徐獻之侍郎生日詩有東湖孺子南極老
人之句余愛其工賦小詩寄贈

落景下曾城遙煙起孤戍繫舟著魚磯曳杖扣僧戶
忽逢丹霞侶自誦碧雲句噌吰應黃鐘清絕追白紵不
落江西派有學邯鄲步冥搜自天得妙中有神助寅緣

半日留邂逅一笑遇詎復管中窺看沐南山霧

紹興士子某南遷過疎山上一覽亭見擬東坡煨
芋詩刻龕之壁間詩律句法良是殆不能辨乃
宣卿侍郎守臨川時所擬作也後數日道次安
仁縣一士人吳君出宣卿詩數十解示余奇麗
清婉咀嚼有味如啖蔗然讀之惟恐盡於是拊
卷三嘆而後知公置力於斯文久矣又二十年
宣卿築室荊谿山中別營一堂以平生所蓄東

坡詩文雜言長短句殘章斷葉尺牘游戲之作
盡置于堂中號景坡自書榜仍為記刻之某欲
具小舟造觀而宣卿召用今以集撰守吳門乃
賦詩為之先


王公製練衣謝傳捉葵扇欸若置郵然一瞬徧海縣東
坡百世師乘雲上騎箕文爭日月光氣敵嵩華齊諸儒
望先覺坐待成風斲一斤應手揮郢鼻無留壘公生不
並時關鍵同一機識真屬具眼造的令中眉詩亡束皙

補書受伏生所神交接混茫參差夢中睹授我筆如椽
五色光屬聯醉上金鑾殿揮泉灑滴倦

景思提舉少卿出示藥寮佳篇某繼元韻上呈

連筒自灌黃精圃結轍休推薏苡車萬壑飛泉舂午枕
一簑帶雨荷春鉏逃名尚有身為累擇利焉知貨可居
笑指吾公門上莠一時零落已丘墟

宋詩鈔卷四十七



總校官庶吉士臣張能照

校對官庶吉士臣陳墉

謄錄監生臣薛翰

謄錄監生臣孔廣枚

欽定四庫全書薈要

集部

宋詩鈔卷

四十八至
五十二


詳校官候選知縣臣吳甸華



欽定四庫全書薈要卷二萬三百一 集部

宋詩鈔卷四十八

內閣中書舍人吳之振編

張元幹蘆川歸來集鈔

元幹字仲宗永福人太學上舍歷官至大監所與遊
皆偉人賢士嘗哀其亡友唐愬生詩帖標軸璫祭如
諛達人貴公得氣時人嘉其朋友之義又於亂紙中
得其祖文靖手澤知祖未第時壻於劉氏劉無出葬

於福清元幹求之榛莽中割牲醢酒為文刻石以傳
子孫作幽岩尊祖錄宣政間游定夫楊龜山陳了翁
朱喬年李伯紀洪駒父徐師川呂居仁名賢三十餘
家咸題跋歎美之有蘆川歸來集十餘卷得之書肆
廢帙逸其大半詩止近體六七二卷清新而有法度
蔚然出塵觀其序王承可詩云初從徐東湖指授句
法知淵源有自也

次韻唐彥猷所題顧野王祠與霍子孟廟對

蘭若黃門像相望博陸居衣冠塵亦暗蕭鼓祭全疎草
色侵荒逕潮聲過夕墟遺風猶可想弔古一觴餘

過宿趙次張郊居二首

北客多流落東村更寂寥宵同清夜夢不待故人招月
掛荒園竹霜飛獨木橋聽雞休起舞且共論天驕
莫歎交游晚相期歲月深秋來初識面老去要知心燈
火須更僕杯盤取自斟平生王霸術袖手有微吟

次韻奉和平叔亭林至日之什

雲物果何好客愁今更新坐來江月白興在雪籬春我
輩且同酌公詩殊出塵莫思淮海上黑幟雜黃巾

花飛

雨暗連兵氣花飛點客愁寓居皆野寺相過只扁舟不
作新塘去還為後柳游盤餐雖杞菊得飽勝椎牛

送江子我歸嚴陵

久客驚秋晚懷歸更送君亂來俱避地老去惜離羣山
閣杯浮菊江城鴈度雲行行經釣瀨時事不須聞

亂後

亂後今誰在年來事可傷
雲深懷故里春老尚它鄉
寧復論秦過終當作楚狂
維舟短籬下聊學捕魚郎

返正

諸將爭傳檄羣凶尚阻兵
天旋黃屋正日轉赤墀明
喪亂多妖孽經綸貴老成
鯨鯢終必戮草木已知生

冬夜有懷柯田山人四首

聞說新居好山樊卜築深
藥囊能濟物龜筴少知音
四

海憂黔首中原盡綠林直須期雪屋夜掉去相尋
坐閱干戈擾輸公已定居生涯今易足世態莫嗔渠
短全疎客窻晴好對書故山常入夢何日到吾廬
客裏了無沉亂來何止貧淹留頻換歲老大更思親
飲思田父供糧乏故人自憐歸未得不是白頭新
雅欲賦招隱何堪弔戰場獨看星錯落久立夜蒼茫
羽檄來東越風烟隔下塘安閒隨處有冠蓋莫相望

登垂虹亭二首

一別三吳地重來二十年瘡痍兵火後花石稻梁先山
暗松江雨波吞震澤天扁舟莫浪發蛟鰐正垂涎
熠熠流螢火垂垂飲倒虹行雲吞皎月飛電埽長空壯
觀江邊雨醒人水上風須臾風雨過萬事笑談中

漫興

老答書題嬾貧營口腹忙未能忘壯志遽肯變剛腸晷
短催寒急燈明伴漏長牀頭褚衾在不怕滿簷霜

奉送富修仲赴南昌尉

吏道雖餘事人情要飽諳家風端自守句法有同參南
浦翻雲浪西山滴翠嵐折腰與趨走政恐未能堪

夜宿宗公丈室求詩甚勤為賦五字

林表登層閣秋聲隱暮鐘鷓鴣歸苦竹寺雨閣亂雲峰屢
乞畱新句重來訪舊蹤松門罕車馬似喜老夫逢

次韻晁伯南飲董彥達官舍心遠堂

今夕知何夕真成累十觴爐薰飄月影蜜炬剪花香政
嬾還詩債無從發酒狂故人憐久客舞袖要須長

叔易自三吳歸同赴竹菴荔子之集二首

惜別梅花雨來歸荔子秋江帆成昨夢雲嶠忽重游共
喜身長健寧論久客愁殷勤老居士更為寶峰留
客去雲俱散山空月正圓不叅藤樹句自透竹菴禪骨
法凌煙像家聲鼓瑟篇直須陪叔季急佐中興年

寄錢申伯二首

子去客昭武今儂懷舊遊青山渾在眼白髮暗添頭旅
食今安好歸程儻滯留谿邊因野步試覓水明樓

一點照今古，胷中殊了然。不妨為漫吏，可但號臞僊。
丹荔盟猶在，凝香句未傳。秋風稍涼冷，速辦下灘船。

申伯有行色，會宿東禪。次元韻。

真成風雨夜，精舍對牀眠。去住非無數，行藏莫問天。
十年瀕瘴海，一棹破春煙。君自足歸興，不妨啼杜鵑。

次折樞留題雲峰韻

軒冕本無意，煙霞如有期。故人容野老，勝跡見新詩。
誰辦兼忘世，公當急濟時。春歸仍送別，好在出山遲。

次韻范才元中秋不見月

不見中秋月長吟五字城浮雲有底急清影可憐生殘
夜四更句故人千里情與君徒悵望天上自分明

次呂居仁見寄韻

老去猶為客誰人念退居相望千里路賴有數行書白
晵猶堪寄烏牛政憶渠何時聞枉駕竹裏喚行厨

次韻劉希顏感懷

避謗疎毛穎推愁賴索郎坐來春漏促夢去畏途長故

國書題冷新詩盡頰香湖山雖好在歲月已相忘

郭從範示及張安國諸公酬唱輒次嚴韻

登樓乘暇日喚客共澆愁春去花猶發陰濃雨未休和
詩真冷澹得句總風流能遣西隣老殊無陋巷憂

戊辰春二月晦日同栖鸞子送所親過寶積題壁
間

春江因送客雲嶠更登臨精舍經行地征人去住心猿
啼清夢斷花落曉窻陰勝踐成三宿俱來此意深

次韻送友人過山陰郡時夜別于舟中

草草杯盤燦燭光故人相對水雲鄉
濤江君去訪秦望丘壑我歸為楚狂
活國未逢三折臂憂時空轉九回腸
絕憐明發成南北夢寐全無夜太長

喜王性之見過千金村

春來書劄已西東喜復相逢亂世中
萬事變更唯舌在三年流落轉途窮
雲收野寺侵廊水月掛孤帆送客風
剩欲留君明日住夜闌難得一罇同

次江子我遷居韻

平生自省宜三黜老去何心望九遷
避地湖山聊復爾脫身兵火想當然
浮家泛宅非無計坎止流行本信緣
猶恐驚濤翻四海直須化鶴作飛仙

次趙次張見遺之什韻

海邊遊子日思歸新句勞君更置規
莫問人間多貝錦正如天上有參旗
寄書只欲憑黃耳去路誰能畏赤眉
定與故巢猿鶴老此生無愧北山移

過雲間黃用和新圃

繚池剩欲開花徑
傍舍先須作草堂
雨後不妨頻檢校
客來留得共徜徉
故園怪我歸何晚
避地輸君樂未央
待得功名方卜築
豈如強健享風光

蘭溪舟中寄蘇粹中

氣吞萬里境中事
心老經年江上行
三徑已荒無蟻夢
一錢不直有鷗盟
雲收遠嶂晚風熟
浪打寒灘春水生
鴻雁北飛知我意
為傳詩句濮陽城

別綬老

無端流落迫殘年三十南山訪老禪
未契安心了難覓
不如同世且隨緣
頻移竹几負寒日
旋拾松梢炊晚烟
珍重孤雲出山去
東西南北一青天

次江子我聞角韻

夫差故國縈寒水
鐵馬南來忽振纓
城上昏鴉爭接翅
舟中逐客謹逃名
悲笳怨處風微起
濁酒醒時夢易驚
飄泊似聞山寺近
真成夜半聽鐘聲

次友人寒食書懷二首

往昔升平客大梁
新煙然燭九衢香
車聲馳道內家出
春色禁溝宮柳黃
陵邑祇今稱漢地
衣冠誰復問唐裝
傷心寒食當時事
夢想流罵下苑牆

孤生投老急菟裘
萬里雲山已勸游
共喜石交逢異縣
更陪綵筆賦春愁
無心俯仰猶多事
與世浮沈太拙謀
冷雨吹花作寒食
三杯軟飽且眠休

訪親于連江因過筠溪叩門循行歎其荒翳不治

有懷普現居士口占此章

筠莊主人何未歸溪畔長林穿翠微此去功名時欲至
箇中車馬跡全稀茅茨漏久蝸涎篆籬落歌多蛛網圍
公肯借菴容我老為公朝夕埽柴扉

宮使樞密富文和篇高妙所謂壓倒元白末句許
予尤非所敢承謹用前韻叙謝

脩門一出十經春相業時來自奮身袖手深謀終活國
揮毫佳句且驚人話言每許聞前輩賓客何堪接後塵

待埽攬槍洗兵馬兩翁玄語記天津

次韻文老史君宗兄見贈近體佳什兩篇僕與公
別四十餘年一旦邂逅情著于詞

舊遊蘭若盡英才坐上高談亦壯哉老去語音雖記憶
衆中容貌各驚猜津亭夜雨故人少樽酒燈花鄉信來
茂苑相逢話京洛施樓猶喜待春回

冬夜書懷呈富樞

耳聾無用問新聞矯首何妨目作昏癡絕已甘投老境

背馳寧受乞憐恩難陪年少從渠薄賴得春回為我溫
京洛交游頻檢校渡江今有幾人存

次韻趙元功贈李季言之什

赤縣飄零未易逢那知今夕一樽同好招明月共清影
託與白雲行太空憶舊遊如隔世蹉跎壯志莫論功
兩公秉燭還相對情話從渠半醉中

次韻元功才友道中見貺因以解嘲

當時勇決徑歸休更有人愚似我不何許置錐寧免累

直須畢娶始無憂頻遭白眼傷流俗誰向青門念故侯
客裏題詩相慰藉羨君椽筆盍螭頭

奉送晁伯南歸金谿

君家諸父多人傑半是平生親舊間莫話故園空矯首
相從逆旅足開顏文元勲業金甌字昭德風流玉笋班
此去騰驤吐虹氣何由來伴老夫閒

遊東山二詠次李丞相韻

寒木高蘿幾曲溪斷碑零落卧荒祠澄潭想像雲頭湧

懸瀑依稀雨脚垂地軸漫煩龍虎戰天符那得鬼神私
茫茫造物殊難曉要是為霖自有時

留寄黃檗山妙湛禪師

晨發薌城越數峰我來師出失從容白雲遮日蔽秋寺
青嶂聞猿驚暮鐘世亂可無閒地隱山深偏覺老僧慵
他年芋火談空夜雪屋松窓約過冬

用折樞韻呈李丞相二首

參陪仍許瘦筇支長者登臨敢後期鍾斷白雲飛雨過

月生青嶂夜涼時心知勝地都忘睡喜聽連牀共和詩
蓮社風流增荔子餘生長健更何為

莫問蒲萄出月支不緣瓜果訪安期輕紅滿地人慵埽
空翠沾衣雨足時松蔭晴泉聽落澗蟬嘶晚吹助裁詩
公乎此去歸廊廟無用山中怨鶴為

次錢申伯游東山韻

埽榻開軒走寺宮吾曹終日得從容夕陽初落鰾谿路
雲氣半遮獅子峰試問丹砂回白髮何如瀑布煮枯松

暮年縱有壯心在歸意已勝山色濃

宋詩鈔卷四十八

欽定四庫全書薈要卷二萬三百二

集部

宋詩鈔卷四十九

內閣中書舍人吳之振編

葉夢得建康集鈔

夢得字少蘊吳縣人紹聖四年進士自婺州教授召為編修官歷祠部郎起居郎翰林學士出知汝州提舉洞霄宮政和五年起知蔡州移帥潁昌府尋提舉南京鴻慶宮紹興初起為江東安撫大使兼知建康

府移知福州上章請老仍提舉洞霄致仕而卒贈檢校少保夢得有總集百卷此集乃知建康時所作總集中之一集也建康是時值用兵契濶鋒鏑之中而吟咏蕭散固是詩人之致

赴建康過京口呈劉季高

客路重經黃鵠前故人仍得暫留連長鎗大劍笑安用白髮蒼顏空自憐照野已驚橫雉堞蔽江行見下樓船
灞陵醉尉無人識謾對雲峰說去年

時季高再新
城上月觀

送模歸卞山并示僧宗義為余守西巖者三首

自我離山間忽已兩改月
饑人不忘食未坐先已說家
僮挾書至驚起慰愁絕
推尋到雞犬問訊窮曲折
此生豈多為一壑萬慮滅
可能復大錯更鑄八州鐵

江東領
八州

汝歸馬蹄輕初不恨觸熱
慙慙報松竹吾豈成久別

端居探幽竒自謂略已徧
昨登西山嶺雄絕昔未見溪

湖莽吞吐雲物紛百變
乃知十年閒尚或遺勝踐
巢成

輒棄去我豈秋社燕

築南山絕頂亭
基垂成而來

為我課僮僕開闢

盡二面莫言羊腸險徑小煩屢轉杖藜不用扶吾脚猶
爾健

生長在山間從公守蓬戶人言膏粱子粗免汚袂袴官
居無多戀暫止復遽去家法恐未傳此心良已素義禪
晚從我似識此間趣西巖鬱嶽岑久斷俗子路聊持山
中節為我主留務封陞際湖海雲月皆所部

建康舊俗貴重九上已諸曹皆休務祀神登北山
叅議馬君獨不出攜詩相過因言石林之勝次

其韻

倦飛歸鳥正思還扣戶聊分半日間勝事漫同談栗里
佳時休笑負龍山簿書已老無餘力香火朝真有舊班
他日尚期能過我試窮千嶂共追攀

西齋初成廨中舊有太湖石數十株因植之庭下
萬壑千巖不易求壺中聊寄小瀛州稍看碑兀雲峰出
便有檀欒桂樹幽絕境自知難遽忘竒蹤爭怪獨能留
山翁已老猶兒戲漫擬伸眉一散愁

與晁激仲夜話

外家文采到諸郎凜凜辭鋒未可當
伴我何辭共戎馬

憐君聊欲濯糟漿

激仲以池州酒正從余辟

殘年落寞風塵際永夜

從容燈燭光祇恐扁舟吾欲去
病慵無意薄淮陽

次韻再答激仲

生涯久許捕魚郎
鳬雁相追不亂行
但近陶廬存菊徑
不辭楚酒醉椒漿
交情老柏寒方見
妙語靈珠夜有光
回首漸知歸路好
已看梅柳動初陽

雨夜與模論中原旦起模與徐敷宗遊清涼覽觀
形勢嘉其有志因以勉之

千年石頭城突兀真虎踞蒼茫劫火餘尚復留故處大
江轉洪濤騰踏不可御空城寂寞潮日暮獨東去登臨
欲弔古俯視極千慮吾兒勇過我蓐食穿沮洳謂言撫
中原未暇論割據功名亦何人我老聊自恕它年報國
心或可借前箸無為笑頽然已飽安用飫

懷西山

西山十畝強高下略不齊嵌空抱奇秀上有凌雲梯架
屋八九間茅簷敢辭低所欲面勢好老稚通扶攜密竹
轉修徑老松故成蹊仲冬景氣肅碧草猶萋萋仰視天
宇大四觀渺回溪徐行信足力未畏成顛躋周意各有
適孰云無町畦平生幾濡首末路乃噬臍不作巢幕燕
肯從觸藩羝胡為濫麾鉞坐聽鳴鼓聲外物委蟲臂全
生思馬蹄可能三徑草歸路老更迷

山間每歲正月望夜梅花正開多與客飲花下今

年郡解獨坐十四夜張暘叔晁激仲相過共話
宣和間事慨然歸不能寐因以寫懷

山頭野梅白玉花月明弄影紛橫斜青天無雲萬峯立
下有三畝幽人家年年春歸不暇省但掃雪徑尋寒葩
老夫已忘少年事燈火豈念更繁華一杯起步徧空谷
破屋歸卧噉朝霞陪都復來亦何有漂漂殺氣浮高牙
重關深鎖夜漏永忽記昨夢翻長嗟景龍門前一月會
金盃賜酒余雄誇神州陸沈近歸我漢節方議通流沙

天翻地覆那得料
恐復更聽漁陽搥

蔡子因相過留踰月

解作江山一月留
仲文儒雅更風流
欲知爵躍心能喜

正愛蟬連語不休
築室君方論並舍

子因約同居雪上

歸山我

已辦扁舟交親四海
今餘幾萬事傷心付白頭

徐敦濟書報嘗過余石林

繞澗新添數百竿
故人書為報平安
似聞謾謾山風響
正想陰陰夏簟寒
老去不能窮蠹簡
歸來便擬挂塵冠

一杯且覓林間約莫枉山王廢舊歡

送沈傳曜

卞峰摩青空東望烏氏敦豈忘宿春糧終媿一款門邂逅此相遇頌懷得徐論人言解牛刀要使當劇煩未悟清廟器朱絃列壘尊我哀百慮息但念三畝園王師肅西征萬馬先雲屯何力償賜履緬慙羨歸軒寄聲舴艋舟想見浮雁村清冷尚可釣無使雪水渾

偶書為山亭二首

為山亭下小巘屹只欠蕭蕭竹數竿但遣飛流時漱玉
且將歸思為翁寬

微風似與洗庭除石枕蠻藤不負予八尺方牀聊已足
可須仍要讀殘書

次韻程伯禹贈宗室趙朝請

人物相望不並時使君水鑑有真知未論理窟傾三語
只關詩壇自一奇擾擾干戈猶戰伐紛紛簿領更喧卑
應須便作高軒過好德何人佐我儀

題晁公老惠崇溪山

荒林翳宿莽脫木寒無烟不知三間茆中有幾醉眠山
遠尚見雪江空欲吞天歸舟定何許滄波方渺然

觀化堂編校舊書

赫日真能永微風亦自涼故應便北戶何敢厭東牆汲
水聊為戲繙書却未忙平生閒與嬾併覺味兼長

翰墨他生業山林晚歲心那知身已老但覺意增深捉
麈誰能話扶筇可細尋晚來庭鵲喜似恐有歸音

憶朱氏西澗

澗下流泉澗上松
清陰盡處有層峰
應知六月氷壺外
未許人間得暫逢

憶向中流置竹牀
萬錢無處買清涼
只今路斷無來客
自撥新醅醉幾場

再任後遣模歸按視石林四首

巖石三年別君恩
未許歸從誰尋草徑
為我歎荆扉舊
繞山千疊新添竹
一圍故人如見問
端欲挂朝衣

白髮萱堂上孩兒更共懷弄孫那得見將母竟難諧已
絕功名望猶疑出處垂此心終未穩何處復安排
挿架環千軸傳家有舊書展舒慙几案涼曝闕庭除破
屋方懸溜殘編足蠹魚好須重檢校局鎖莫令疎
細路穿南嶺新松幾許長毋庸馳馬足抵擬轉羊腸更
作高亭好初非亂石妨兩溪渾在眼似欲見帆檣

東園作草堂新成二首

官舍如何有草堂野人熟處自難忘池開月映千山迥

檻靜風生六月涼幽徑也從穿別浦小舟還似過橫塘
深知幕府文書省盡付甘眠亦未妨

密覆荒茆已數重中開別戶更相容苦無公事妨人樂

多有清閒借客慵南浦潮平分勝水

堂前池與潮水通

北山路

近得青松

近栽北山松百本

怪翁歸意何能緩新築高臺見卧

龍

園中不見山因積土作臺遂見蔣山

徐敦立相過

茆齋一曲倚寒灣邂逅終年伴我閒契闊易驚成歲月

追尋空復對江山
暫留客枕聽疎雨

時久旱
方得雨

遙想吾廬

掩舊關落莫歸心誰與話
坐談聊為起哀顏

同牧立游蔣山謁寶公塔王荆公墓晚過草堂寺

周顥故宅也

我居在城府再至俄二年
豈無山水心可奈簿領纏今
晨偶乘興適此賓從賢
零雨洗驕陽谷中聽流泉
憑高快遠覽正見江浮天
至人本無心與我常周旋
誰云喚不謗汝意自不虔

余自到鎮每雨
時新寶公塔未嘗不應

麥隴稍已滋橫

水漲微連佳城倚華表拱木埋貂蟬暮過草堂寺借榻
聊甦眠不復聞怨鶴荒茆但連延歸路踐落日羣峰鬱
相先回風送遠響虛里生晚烟吾廬悵何許東望良慨
然

用前韻送敦立

畏作親友別況復非中年身如三眠蠶已老翻自纏竭
來守江關從事寧獨賢經年兩大入燿火通甘泉石林
豈壺中亦自有一天采薇敢言勤誰與歌勞旋上書苦

祈哀傾寫志已虔坐懷北山巖未見西溪連人言搏風
鵬不及翳葉蟬共挽攜手客可忘曲肱眠首鼠信禿翁
胡為尚遷延子來幸暖熱愧我一飯先清詩似鳴玉想
見藍田烟索去何乃遽臨分重依然

為山亭晚卧

瘦石聊吾伴遙山更爾瞻泉聲分寂歷草色借廉纖玉
粒時能飽霜毛日更添平生疎懶意況與病相兼

戲方仁聲四絕句

戲弄扁舟泊宅村却尋三徑築茆敷雲邊此意真誰解
賸作新詩與細論

水檻新開似浣花傷溪須更作浮槎祇應屢費王宏酒
時要清樽對落霞

不惜囊錢信手空荒田却擬望年豐天公可是憐風月
判遣詩人一例窮

盧橘楊梅已及時我歸先自有前期平生不作宣明面
浪愧將軍建鼓旗

仁聲舊居城東泊宅村張志和嘗所游也今從西溪
作雲茆菴因東岡為小亭號茆敦欲傍溪開水檻
久無資會郡守有饋之酒五十壺不敢飲亟易之
乃克成有田數十畝常苦下潦余居石林與雲茆
南北正相望故及之云

宋詩鈔卷四十九

欽定四庫全書薈要卷二萬三百三

集部

宋詩鈔卷五十

內閣中書舍人吳之振編

張九成橫浦詩鈔

九成字子韶開封人徙居錢塘從學于龜山紹興二年策進士直言者置高等九成遂擢首選授鎮東軍僉判歷至刑部侍郎秦檜和議不合謫邵州復以傾附趙鼎落職高宗特予宮觀先是徑山僧宗杲與善

檜諷論其與宗杲詢訕謫南安軍十四年從學者稱
橫浦先生每執書就明倚立庭磚歲久雙趺隱然寶
慶初贈太師崇國公謚文忠九成于經學頗多訓解
然習于異學故議論多偏詩亦多禪悅空悟習氣

癸亥初到嶺下寄汪聖錫

人物苦難得閉眼不敢看孤芳擢荒穢秀色出榛菅懷
我同心友正在天一端文字妙入聖操履到所難美玉
經三煅貞松過凝寒憐我竄庾嶺色慘顏不歡書來每

慰薦苦語餘辛酸不上泰山頂安知天地寬相思暮烟起片月過前灘

食苦筍

吾鄉苦筍佳出處惟石屋玉肌膩新酥黃衣緣深綠林深恐人知頭角互出縮烟雨養春姿此物未成熟三月臘酒香開樽媚幽獨烹庖入盤俎點醬真味足未須五鼎牛聊稱一囊粟竭來庾嶺下歲月去何速經冬又七春未分窮途哭今朝好事者惠我生一束頭髡甲爛斑

味惡韻麤俗兒童不慣嘗噦噫驚媼僕老妻念鄉味教
箸淚盈目丈夫志有在何事較口腹呼奴更傾酒一笑
風生谷

有客

春雨止復作閉門無與居童奴告予言有客叩吾廬束
帶出見之頗然一丈夫手攜一尊酒辭氣何晏如為言
久聞名曾未瞻簪裾天寒宜飲酒一盃聊以娛盤飧亦
草草蔬果間溪魚顏色溫勝玉言談貫如珠豈期有道

者而來警我愚酒酣意兩適心閒樂有餘四海元有人
君勿輕荒區

三月晦到大庾

我登超然臺積雨久不止臺下柳成行柳下滿塘水環
塘率喬木照影弄清泚恍如在故鄉西湖古寺裏氣象
極幽深景物盡蒼翠十年勞夢想一夕居眼底獨坐不
能去頽然起深思鐘鳴主人歸燭光何熒熒笑語復移
時夜久余當起歸路夫何如江聲寒玉碎

庚午正月七夜自詠

余性寡所諧平生惟自得談名頸深縮論利面作赤文
不貴雕蟲詩尤惡鈎擷麗豪真所畏機巧非予匹所以
常閉門千載求知識黃卷有可人為之忘寢食亦復愛
山水策杖無與適看雲獨忘歸聽泉常永日內樂萬事
休中虛衆妙入欲以語斯人此事吾無力道喪亦久矣
無言三歎息

課書

汲汲我何事愛此牕日光北門終日開風透軒檻涼貧
病何以療六經真古方榮辱頓爾失太山亦毫芒呼兒
來讀書絃誦驚滿堂仕途有捷徑掩口笑我狂

辛未閏四月即事

閒居喜無事冠櫛每晨興今朝鳩喚夢疑是大雨徵萬
事雖顛沛此兆常可憑須臾到江湖一掃蠻瘴腥雨罷
有何好環江數峰青蛟龍得時橫長堤豁然崩衰老甘
寢寐半夜聞雷聲連岡萬株松漂零一毛輕雨意疑未

已浮浮晚雲蒸吐哉造化兒徒勞竟何成

窮居不擇交賢否那復辨似人輒已喜況復曾半面相
見且寒溫不問風雨變晚來無與遊澄江喜如練攜筇
信步行屈曲隨山轉數日雨不止衝波頽激箭舊雨已
不來今雨誰復見甕頭香滿屋吾計今已辦豈復思故
鄉無事且彊飯

相馬須相骨探水須探源君如識此理知人若神仙可
以千歲下坐照萬古前有時陰求人得意初無言如聞

失一士每食不下咽人才何其少求一於百千豈獨今
世歟自古皆已然我欲授此法其誰可與傳

十九日雜興

不是南方熱愛此有永日人事斷經過蕭然空一室風
驚牕外竹聲如清廟瑟西塘荷已花北戶棗亦實仕途
非所長進寸輒退尺所以入市朝愁苦甘首疾謫來已
九年底事無憂色山林興甚長湖海情何極

物理情不齊人生各有好所好儻不獲亦各騁奇巧淺

者不及門深者入堂與名利工欺人市朝徒膠膠所得
無幾何舌焦脣亦燥其間狹劣者不售輒復躁亦有操
金珠侯門致私禱葡萄得涼州所求輒復効舐痔或嘗
糞車服夸新好吾唯戒妻奴酒熟宜予告

和施彥執懷姚進道葉先覺韻

西湖十里山春風一盃酒茲興良不淺何日落吾手我
讀君和詩襟期一何厚同生上下宇共閱古今宙死生
何足云餘年付美耐佩印還故鄉衣錦眩春晝一時正

兒嬉千歲墮塵垢所以賢達人中懷元有守試看牕日
中野馬互奔驟區區竟何成尚誇舌在口宿習猶未除
新詩漫懷舊環顧天地間四海惟三友兩老雖未死二
妙已先蹈生者豈其巧死者亦非謬君如悟斯契萬事
可懷袖銅錢自如山金印自如斗只今定何間腐骨久
已朽籬菊師淵明庭草悲王曹彼已升層霄此猶鑿戶
牖浩歌君其聆相看都皓首

子集弟寄江蟹

吾鄉十月間海錯賤如土尤思鹽白蟹滿殼紅初吐薦
酒欸空尊侑飯饒如虎別來九年矣食物那可睹蠻煙
瘴雨中滋味更荼苦池魚腥徹骨江魚骨無數每食輒
嘔噦無辭知罪咎新年庚運通此物登盤俎先以供祖
先次以宴賓侶其餘及妻子咀嚼話江浦骨滓不敢擲
念帶烟江雨手足義可量封寄無辭屢

讀東坡謫居三適輒次其韻

旦起理髮

憶昔叨從班入朝大明宮五更催上馬夢裏過萬松想
見天竺山九重吟清風頭垢不暇梳爬搔常靡通今來
幸閒放櫛比宵忽忽清晨解絛鞬千梳復重重不羨列
禦寇散髮搖風鬢氣舒兩目明頓與離朱同此樂豈易
得快意適相逢再拜復再拜深恩荷天公

午窗坐睡

年老目飛花心化柳生肘萬事元一夢古今復何有六
月苦夜短午晝何其久頽然北窗下竹几休兩手昏昏

不復知酣適如中酒睡鄉日月長椿靈未為壽形存若
蟬蛻質槁如木朽榮辱漫紛紛正夢那復受有夢尚有
思無夢真無垢欲呼李太白醉眠成二叟

夜卧濯足

夏日乏絺葛冬來無衾裯況復竄炎荒令人生百憂空
城舞狐狸深林鳴鵩鷃此邦無足戀聊為薪水留枯枝
煮寒泉大竈聲颼颼老盆深注湯徐以雙骹投沃久意
痛快繫維今脫鞵須臾膏液上兩踝暖氣浮生平苦寒

痺一洗皆已瘳登山不須扶跳梁逐狙猴

秋興

秋意入茅屋杖策登平原落日含西山一川頓明鮮
蕭江上竹溜溜巖下泉我生本閒放胡為此拘拳身世
兩相違於今六十年勇退未為怯銳進豈其賢

半夜驚夢回桐葉紛索索杖藜視天宇雨罷雲收脚清
風拂襟裾片月墮籬落嗟我遊已倦悵此久淹泊豆畦
今已花稻墮行可獲翻思黃卷中古人誰可作田園愛

潛歸簞瓢識顏樂
譬彼鷓鴣心
平生叢薄

過報恩

籃輿訪蕭寺
烟暝漲春空
遠樹樓頭綠
殘霞山外紅
昏鐘發林杪
人語殷橋東
回首都無迹
人生真夢中

三月晦城門晚景

雨漲春江浪
汙汙日夜奔
羣山落雲裏
萬壑吼巖根
沙際人呼渡
煙中牧入村
蕭然何處士
終日撿柴門

題竹軒

聽說竹軒趣清幽盡此房春禽一聲杳夏簟五更涼落
雪鳴寒玉啼螢泣古簧因君詩意到欲罷不能忘

二月二十四日即事

春來尋勝事此興亦何窮夜雨亂江淥朝花退日紅雷
聲驚嶺北雲氣漲溪東蓑笠衝泥去誰知與我同

即事

幽事晚山色幽齋春雨餘亂紅歌澗水浮綠漲郊墟北
牖迸新筍西園生野蔬槿籬遶茅屋已分老樵漁

三月二十四日出城

數日雨不止今晨晴已還江頭看濁浪牕外見青山白
鷺投前浦輕舟漾遠灘罇中有餘酒一酌駐顏顏

次施彥執韻

新詩宛見故人面思入江山氣象雄幾歲不堪青草瘴
今朝還喜鯉魚風高秋木落雁為伴久雨江深吾欲東
他日罇前如把臂莫驚我已白頭翁

客有談嘉祐間事者一客瞪目不應及聞介甫新

事則心目開明殊可怪也聊作詩以紀之

吾道何哀只愴神六經文字變儀秦魏侯酷喜聽新樂
中尉生來好殺人海鳥錯將金奏眩葉公元愛畫龍真
不逢伯樂休驤首忽遇長沮莫問津

次單推韻

七載離家夢亦驚春來又是聽倉庚熟諳世味心如
忽見吾人眼尚明青鏡不堪看白髮長鏡何處覓黃精
只思歸去西湖上飽喫東坡玉糝羹



十二月初七日述懷

謫居寂寞歲將闌
几案凝塵酒盞乾
落落雨聲簷外過
悄悄雪意座中寒
孤飛隻影人誰念
萬里長途心自安
世事悠悠君莫問
雪芽初碾試嘗看

宋詩鈔卷五十